

الصخيلة والسعلوه

ذبيح ما ذبيح اصخيله (١) ، عدهه (٢) افريخات (٣) اثلثة (شادل)
و (مندل) و (فاتح الباب) كل يوم تقفل اعليهم الباب وتروح اتجيب
الهم احشيشات (٤) وأميه (٥) . . ومن تجي ، تدك الباب وتقول :
« فكو (٧) الباب لميتمكم (٨) ، بالجرين (٩) اميه ، وبالظهير (١٠) احشيش »
وهمه اذا سمعوا هذا الكلام ايفكوله الباب . . وايوم من الايام سمعته
السعلوه . . وره ما طلعت (١١) امهم ، راحت ليهم ودكت الباب وگالتلهم
مثل ما اتكلهم امهم . . اجوا ايريدون ايفكوله الباب ، شافوا ايدهه
الحاطته (١٢) اعله الباب بيضه لنهه موش (١٣) ايد امهم ، گالوله : «روحي
. . روحي . . ايد امنه سوده وايدج بيضه » . . راحت السعلوه وصبغت
ايدهه بالاسود . . واجت ليهم . . من شافوا ايدهه مثل ايد امهم فكوله
الباب . . اجت اتريد تاكلهم وهيه اتقول :

« اسرطكم سرط (١٤) ؟

اگرطكم گرط ؟ (١٥)

زغيرهم (فاتح الباب) لبد (١٦) ابغار ازغير ما گذرت اتنوشه (١٧) .
و (شادل) طلب انگرطه گرط . . و (مندل) طلب اسرطه سرط . .
اكتلهم مثل ما رادوا . . وقفلت الباب وراهه وراحت . . اجت الصخيلة
دكت الباب مثل كل يوم محد (١٨) فكه الهه . . گامت كسرتيه بگرونهه وطبت
الكت (١٩) (فاتح الباب) يرجف من الخوف . . سولفلهه سالفه السعلوه
. . راحت الصخيلة اتدك بالبيبان (٢٠) ، ايكلولها :

« منهو اليدك ابخطبته ؟

المايخاف من عتبهه ؟ »

اتكلهم :

« اني اصخيلايه امصحلايه

عندي اجرينات امحلفايه (٢١)

ادور عله (شادل) و (مندل) »

ايكلولهه : « عد الجيران » وظلت هجي اتسوي لمن وصلت البيت
السعلوه . . گالتلهه هذي :

« ابها البطن

ترطن رطن (٢٢)

واحد جرط
« واحد سرط »

ذيق الساعة طلبت تتناطح وياها ٠٠ كثلته السعلوه : « ذبي اگرونچ
وآني اسوي (٢٣) اگرون طين وانتي سوي اگرون عجين ، راحت السعلوه
وسوت اگرون من طين ويبستهن لبالها تغلب الصخيله ٠٠ تجي السالفة
اعله الصخيلة ، راحت ذبت اگرونها وحطت سچاچين (٢٤) غطتهن ابعجين ،
اجت واتناطحت وياها وكسرت اگرونها الطين ، وشگت (٢٥) بطنها
وظلعت مندل اللي سرطته سرط ٠٠ وذاك (شندل) راح لنها جرطته
جرط ٠٠

اتعيشون وتسلمون ٠٠ (٢٦) .

- (١) اصخيله : تصغير صخلة وهي انشى اللعز
- (٢) عدهه : تملك ، وهنا ملكية مجازية
- (٣) اولاد
- (٤) تصغير حشيش
- (٥) تصغير ماء
- (٦) تطرق
- (٧) اذبحوا (فعل امر)
- (٨) لامكم
- (٩) القرون
- (١٠) الظهر
- (١١) خرجت
- (١٢) التي وضعتها
- (١٣) ليست
- (١٤) الاكل بدون مضغ
- (١٥) الاكل مع المضغ بالاسنان
- (١٦) هرب دون ان تراه
- (١٧) لا تستطيع ان تناله
- (١٨) لا احد
- (١٩) وحدت
- (٢٠) الابواب
- (٢١) حادة وخشنة
- (٢٢) اصبح لها صوت من شدة الشبع
- (٢٣) اعمل
- (٢٤) جمع سكين
- (٢٥) شقت
- (٢٦) عبارة تقال عند نهاية كل حكاية